



Na osnovu Zaključka o usvajanju Postupka i kriterija za odobravanje i dodjelu (refundiranja) sredstava poticaja namjenjenih subvencioniranju administrativnih troškova kod izgradnje proizvodnih objekata, broj: 02-14-12792/9 od 06.05.2009. godine, Zaključka Vlade Kantona o usvajanju Programa utroška budžetskih sredstava Ministarstva za privredu, u razdjelu 18, budžetska organizacija 0001, pozicija "Subvencije preduzećima u privatizaciji i poticaj u industriji", Budžeta Zeničko-dobojskog kantona za 2009. godinu, broj: 02-14-12427/09 od 06.05.2009. godine, Ministarstvo za privredu, raspisuje

JAVNI POZIV
za prikupljanje zahtjeva za odobravanje i dodjelu (refundaciju)
financijskih sredstava namjenjenih subvencioniranju
administrativnih troškova kod izgradnje proizvodnih objekata

1. Pozivaju se investitori registrovani u Bosni i Hercegovini, koji proizvodni objekt izgrade na području Zeničko-dobojskog kantona, da podnesu Zahtjev za odobravanje i dodjelu (refundaciju) nepovratnih financijskih sredstava obezbjeđenih za subvencioniranje dijela administrativnih troškova kod izgradnje proizvodnog objekata.

Vlada Kantona će subvencionirati dio slijedećih troškova investitora: naknade za građevinsko zemljište, naknade za pretvaranje građevinskog u poljoprivredno zemljište, komunalne priključne takse, administrativne, sudske i druge takse i naknade za rad komisijama.

Pod proizvodnim objektom, u duhu ovog poticaja, podrazumjeva se građevina minimalne površine tlocrta od 200 m², sagrađena sa namjenom i u svrhu realizacije proizvodnog programa za koju je investitor obezbjedio upotrebnu dozvolu prema Zakonu o građenju i Zakonu o izmjenama i dopunama Zakona o građenju Zeničko-dobojskog kantona.

2. Pravo korištenja poticajnih sredstava imaju isključivo privredni subjekti (pravna i fizička lica) registrovana za obavljanje proizvodnih djelatnosti u Bosni i Hercegovini, koja proizvodni objekat izgrade na području Zeničko-dobojskog kantona.

Poticajna sredstva mogu se odobriti i kupcima državnog kapitala koji svoje obaveze investiranja realiziraju u okviru ugovora o kupoprodaji državnog kapitala sklopljenog sa Agencijom za privatizaciju Zeničko-dobojskog kantona, ali im to nadležni Vladin organ neće priznati kao vlastita investicijska sredstva kod ocjene ispunjavanja ugovorenih obaveza.

3. Investitoru će se nakon uredne prijave i procedure odlučivanja odobriti sredstva u jednokratnom iznosu prema slijedećoj tabeli:

Minimalna površina objekta u tlocrtu /u m²/	Iznos sredstava poticaja /u KM/	Umanjenje poticajnih sredstava za legalizaciju objekta /%/
200	8.000,00	5
250	10.000,00	5
300	12.000,00	5
400	16.000,00	10
500	20.000,00	10
600	24.000,00	20
800	28.000,00	20
1.000	32.000,00	30
1.250	36.000,00	30
1.500	40.000,00	40
2.000 i više	50.000,00	40

Maksimalni iznos koji se može isplatiti investitoru je 50.000,00 KM, limitirana po više osnova:

- po jednom subjektu – korisniku,
- po jednom projektu – upotrebnoj dozvoli,
- u toku jedne godine.

4. Uz Zahtjev za odobravanje poticajnih sredstava, Investitor je dužan dostaviti slijedeće priloge:
 - Original ili ovjerenu kopiju Dozvole za obavljanje registrovane djelatnosti ili odgovarajući akt, izdate od nadležnog organa.
 - Original ili ovjerenu kopiju Odobrenja za upotrebu objekta, izdatog od nadležnog organa, nakon 01.01.2007. godine,
 - Original ili ovjerenu kopiju Uvjerenja o uredno izmirenim porezima, ne starije od 60 dana, računajući od dana podnošenja zahtjeva.
 - Original ili ovjerenu kopiju Uvjerenja o uredno izmirenim indirektnim porezima, ne starije od 60 dana, računajući od dana podnošenja Zahtjeva.
 - Original ili ovjerena kopija Uvjerenja o uredno izmirenim doprinosima za penzijsko-invalidsko osiguranje, ne starije od 60 dana, računajući od dana podnošenja Zahtjeva.
 - Original ili ovjerena kopija Uvjerenja o uredno izmirenim doprinosima za zdravstveno osiguranje, ne starije od 60 dana, računajući od dana podnošenja Zahtjeva,
 - Original ili ovjrenu kopiju Uvjerenja o uredno izmirenim obavezama pream Budžetu Zeničko-dobojskog kantona, izdato od Ministarstva finansija, ne starije od 60 dana, računajući od dana podnošenja Zahtjeva.
5. Po uredno prispjelom Zahtjevu, ocjenu i mišljenja dat će Komisija Ministarstva za privredu, poštujući hronologiju prijema u protokolu Kantona.
U slučaju da Komisija ocjeni da nisu ispunjeni svi uslovi za odobravanje poticajnih sredstava, Ministarstvo za privredu će donijeti Zaključak (obavještenje) o odbijanju zahtjeva podnosioca.
6. Na osnovu Izvještaja o ocjeni i mišljenju Komisije, Ministarstvo za privredu će predložiti Vladi Kantona donošenje Odluke o odobravanju subvencioniranja administrativnih troškova za izgrađeni proizvodni objekat, za svaki zahtjev pojedinačno.

Vlada Kantona, može opozvati donesene odluke, zavisno od dinamike priliva budetskih sredstava tokom godine.

Na osnovu donesene Odluke o odobravanju subvencioniranja administrativnih troškova, Ministarstvo za privredu će Ministarstvu finansija podnijeti Nalog za isplatu, odnosno refundaciju administrativnih troškova.

7. Zahtjeve za odobravanje subvencioniranja administrativnih troškova za proizvodne investicije, investitori trebaju dostavljati na adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA ZA
ODOBRAVANJE I DODJELU POTICAJA
KOD IZGRADNJE PROIZVODNIH OBJEKATA
Kučukovići br. 2
Zenica, 72 000

Sve dodatne informacije mogu se dobiti na telefone Ministarstva za privredu: 032/405-703 i 032/406-159 ili telefax: 404-861 ili E-mail: mindus@bih.net.ba, te na web stranici: www.zdk.ba.